

陶

齋

臧

石

記

匄齋藏石記卷三十五

唐十九

戎仁誦夫人劉氏墓誌

石高寬各一尺四寸六分全文二十一行序十六行弟十二行  
二十一字第十三十四行行二十三字餘俱二十二字銘三行  
行二十一字字徑六分正書

唐故樂安戎處士故夫人墓誌銘并序

鄉貢進士王頌述

夫人姓劉氏女弟中第三其先彭城人也芳苗出自漢楚元王交  
之後先世因官江南遂徙家於金陵迺為縣人矣祖梅孝治皆  
以清淳履行儒素承家爵服不羈丘園自貴皇妣隴西李氏而生

夫人天資韶婉性蘊貞柔幼習織紉組紃之妙夙明匱豆助奠之  
禮樂安遂采其門風地既叶筭而歸于戎氏處士諱仁誦器局  
高奕道義周瞻夫人僂俛同德一與之齊而成厚於家肥也瓶五  
子長末年五十餘而卒其二倣敦閱詩禮尚鄉貢明經其三倣織  
孝功不幸沒於上都其四倣朝議郎前行宗州下邑縣尉曹務尹  
理聲猷洽聞其五倣風規澍茂氣調寬融繫銘門風實遵賓旅  
女二人長耦樂安蔣役質俱先朝露旅者早亡夫人所天雖當偕  
老何期咸通六年先殞暮齒嫠居整訓孤幼天不憖遺遽嬰沆  
荼越十一年二月廿二日廢床於鵲巢所居春秋七十五以其年三  
月廿一日癸酉葬于欽賢鄉脩山東北原祔于先塋庚首禮也諸哀

碩余文彩泣請神道旌誌幽隧庶同臚公佳城見白日之義也銘

曰

古楚王孫

分苗郁々

夫人繼芳

其德令淑

常珍末年

奄歸何速

官庾南陲

脩山北麓

馬鬣封茲

千秋拱木

右墓誌光緒丁未六月句容縣倉頭鎮鐵路工次出土時甸齋尚書方督兩江聞之亟命輦致并以精拓見詒命作跋尾案釋全文無一字剝蝕南省唐石無多良用珪賁跋曰右墓誌標題唐故樂安戎處士樂安唐縣屬江南道台州謹按

大清一

統志樂安故城在今浙江台州府仙居縣西元和志縣東去台州一百五里東晉永和三年分始豐南鄉置樂安縣屬臨海郡

隋開皇九年廢唐上元元年復置於孟溪之側戎處士本樂安人其卜居句容其先蓋游寓後迺占數為句容人矣攷鄞縣志明戎洵宣德九年鄉貢湖廣黃州府推官戎深宣德十年舉人官學正戎來賓嘉靖二十二年舉人鄞縣之域舊亦有與樂安

同屬臨海郡者

晉永和三年分鄞縣置甯海縣屬臨海郡則鄞縣戎即樂安戎矣唐

德宗建中朝戎呈任處州刺史樂安戎戎疑即呈之後戎子孫因官遷家湖東也句容舊志明儒士戎

簡為太祖所賞拔孝子戎憲剡臂療親邑人徐欽有詩贈之見詩

句容新志則戎處士之苗裔矣戎氏至今為句容邵族云誌云廢牀

於鵲巢所居葬於欽賢鄉脩山東北原攷乾隆句容志即舊志與

地志鄉里一門內分十七鄉而無欽賢之名蓋鄉名多改其舊

有云舊曰某鄉者亦滌至周應合景定建康志而止更上則弗詳矣脩山亦無攷唯鳳壇鄉下里名凡十有二其四為鵲巢里與墓誌合此則唐地名迄今未改者邨名凡二十九其十三曰戎墅當即戎氏所居遺址宋王象之輿地碑記目建康府碑記唐禮部侍郎劉君神道碑裴度撰今在欽賢亭在溧水縣界溧水與句容接壤亭與鄉或相因而得名地形分割靡常此鄉此亭或今屬溧水而唐隸句容未可知矣銘云官庾南陸建康志下蜀鎮在句容縣北六十里唐世置鹽鐵轉運使在揚州宋發運使在真州皆於江南岸置倉轉般今下蜀鎮北有倉城基并鹽倉遺址尚存倉城基即倉頭鎮所謂官庾即指鹽倉而言又

誌稱皇妣隴西李氏而生夫人梁廷柎金石稱例父亦有稱皇  
父者處士包公夫人墓誌皇父諱隣也取皇大之義馮登府金  
石綜例唐宋人碑誌稱其父曰皇考李翱述其大父題曰皇祖  
實錄尤無忌諱宋徽宗時始禁之南渡後無復此稱此云皇妣  
與稱皇父皇考例同又云夫人僂俛同德即黽勉與隋姚辯墓  
誌僂俛王事劉公幹詩僂俛安能追殷仲文表僂俛從事竝同  
又云祔于先塋庚首禮也用青島家言羅經山嚮以箸葬地餘  
釋郎中馬江碑先君之庚地漢已來有之矣唐湯華墓誌歸葬  
于明州鄞縣龍山鄉江上里庚嚮之原庚首猶言庚嚮也郭思  
訓墓誌陪葬于先塋之士地亦与此例同此墓誌無一字剝蝕

唯五子長球侏字左偏泐以倣倭傳借例之知其為个翁無疑  
又滕公佳城見白日滕字右偏刻未竟此用漢夏侯嬰馬劄事  
非僻典不可攷遂無不完之字矣各省鐵路工次石刻出土必  
多安得一一護惜而表章之 況周頤跋

丁未春夏間余方為城石記孳孳攷證昕夕弗遑而此誌適  
出於句容既輦致署中因屬況子為文跋尾援摺翔實固已  
略無漏義矣余復何言

### 李顥墓誌

石高一尺二寸七分寬一尺二寸五分二分二十五行行二十五字  
字徑四分蓋高寬各八寸三行行三字字徑一寸竝正書

大唐故李府君墓誌銘 益



唐故鄉貢學究李公墓誌銘 并序

表姪鄉貢進士裴 琛 撰

公諱穎字

隴西成紀人也其先帝高陽之苗裔虞夏之時各

繇為大理因官命氏裔孫曰嶽事紂得罪其妻携子利貞逃難食木子得存因改理為李涼武昭王暈之孫承後魏龍驤將軍雍州刺史封姑臧公 公即姑臧公之房也 大王父諱瑤之皇池

川青陽縣令

王父諱鎔皇澧州司馬

烈考諱重光皇襄

州文學位不配德 公即襄州府君第三子蒙陽鄭夫人之出也生而沉厚不尚浮華然諾必時有古人操及冠從師就經術舉躬耕專誦毋怠斯須中年以家室罄匱慮闕 旨甘思易是業乃

訪所親求捷其選叙者或曰 春官氏每歲取能明一經者謂之學究既簡且易苟得之遊歷清貴不羨詞科 公從之業就會

先夫人疾作未瘳求鑿奉藥服不解帶時為人難竟丁 夫人

憂哀毀過禮及闋將受薦暴染風痺不起床蓐至是軋符四年四月疾大漸六日捐館于鄭州滎陽縣之別墅享年五十二即以其年七月十日歸祔于 先塋之北禮也夫人清河崔氏父喻皇

河南府澠池縣令有男曰晉七未冠有女未笄皆夫人之出也嗚呼人各有志所尚者榮名如公之德行而奇於一第豈非命歟及禍之夕家無贏蓄而 公之 元昆縻官周地不異素居志

力供營凡附於身棺者無闕然自姑戚公之後遞有支屬世皆勲

爵其家風禮法頓為士大夫之所宗仰琳仁和里世族不昧每申  
姻好必俟良家是以與公先後稠疊懿戚琳忝承中外  
獲奉贊述內愧孱蕪難周感美敬為銘曰  
道之將行時不我與天既弗聰吾將孰語爰感存亡  
孀妻稚子命也有涯人生如此

誌海李君之先涼武昭王嵩之孫承後魏龍驤將軍雍州刺  
史封姑臧公公即姑臧公之房云云按新唐書宰相世系表  
承字伯業後魏滎陽太守姑臧穆侯實為李氏姑臧大房初  
祖而其官爵與誌不同未知孰為可據李君之曾祖瑤之祖  
鑑父重光表亦不著其名李氏門伐極盛而瑤之等又非雄

官史故略而弗詳歟唯李君夫人清河崔氏父喻河南府澠池縣令世系表崔氏南祖房有喻澠池令瑀與誌合喻渠州刺史異之孫將作監丞照之子也李君為鄉貢學究誌稱其遊歷清貴不羨詞科學究屬簡易之途而昇之迺遽優異若是唐時科目之貴即此可見新唐書選舉志唐制取士之科由學館者曰生徒由州縣者曰鄉貢其科之目有秀才有明經有俊士有進士有明法有明字有明算有一史有三史有開元禮有道舉有童子而明經之別有五經有三經有二經有學究一經有三禮有三傳有史科此歲舉之常選也學究之目至宋猶沿用之宋史太祖紀賜布衣王澤方同學究出

身又選舉志凡學究毛詩對墨義五十條論語十條爾雅孝  
經共十條周易尚書各二十五條又大中祥符八年潁川學  
究陳日巖墓誌繆氏蓺風堂風石目著錄陸游詩衣冠醉學  
究自注世有醉學  
圖誌於李君及其祖父諱字竝跋末筆亦墓誌中罕見之例  
又按隋張通妻陶夫人墓誌凡从金之字竝作金此誌銘  
字金旁作金亦別體

楊公女子書墓誌

石高寬各一尺二寸一分十九行行十九字字徑四分彊正書

唐故嶺南節度使右常侍楊公女子書墓誌

兄文林郎前京兆府兵曹叅軍檢撰并書

□□諱芸字子書隋越國公素之裔 顯考公常□□□諱發弟  
七女 曾祖公諱藏器邠州三水□ 顯祖公諱遺直贈右僕射  
府君名重於時德□於世 子書之諸姉皆託華曹如戶部侍  
郎翰林學士劉公承雍五朝達皆 子書之姉輩 子書自童年  
則不隨稚輩戲遊端默靜慮有成人量不甚賞絲竹宴好諸兄  
所習史氏經籍子集文選必從授□覽不再繹盡得理義勤於隸  
學巧于女功喜不形色愠不見容內外推敬稱非凡女會軋符五  
歲夏京師癘疫 子書之兄姉姪妹危疔者相次 子書省視力  
悴憂勞內侵疾不涉旬竟厄天壽以六月七日終于返福里第春  
秋世十月廿八日葬于長安縣南原姜允村嗚呼天与其泯而不

與其壽友之灼灼忍落疾風四氣輪謝時可誦乎於是其兄慟而銘曰

華吾族兮成吾之姝

悴吾門兮德亦其除于嗟天兮付不

俱

生有恨兮泣血漣洳

按女子芸之曾祖藏器祖遺直父發新舊唐書竝增楊收傳收發之弟也藏器邠州三水丞誌三水下一字泐必丞字遺直位終濠州錄事參軍誌但書其贈官而傳無之發官嶺南節度使誌與傳合唯右常侍則傳亦無之新書宰相世系表藏器越公五世孫傳有發之子乘登進士第歷顯職表有發之子樑字文遠而誤誌并書之檢失載誌可補史之闕誌云

終于延福里第葬于長安縣南原姜允村長安志延福坊在  
朱雀街之第三街街西迤南崇賢坊之次即延福里坊里可  
通稱也姜允村長安志失載

南陵縣尉張師儒墓誌銘

石高一尺九寸六分廣二尺並前後標題年月共三十七行文每行  
三十八字正書

唐故朝議郎前行宣州南陵縣尉柱國張府君墓誌銘并序

朝議郎前使持節藤州諸軍事前守藤州刺史上  
柱國賜緋魚袋蔡德章撰

夫銘者稱其美也記歷年代載標行德曰夫子識秦始皇後必開  
發吾墓願回已下乃誌識詞於墓內使始皇見之知我先師聖焉



又至後漢滕公夏侯嬰將葬佳城駟馬不進而鳴乃掘其下遇有  
穴室中得石記亦有識文是以先王製禮勒石于泉慮陵谷有遷  
以明柩之德位也公名師儒其先清河人也曾祖景仁祖昊父南  
素並不仕公即家任之子也器宇凝正容範端華檢性依方飾躬  
由禮退身而先物約己而厚人言合詩書動遵法式自少小以勤  
學苦節而立其身始自舅府從職能以幹敏奉公前後 憲長無  
不委用或以紕繩之政而立紀綱或竭節推刑為 霜臺之領袖  
優滿授坊州昇平縣主簿袂滿授宣州南陵縣尉兩任之政恪著  
公勤太守常以重難而委寄也邑人遵懷惕懼於製錦之威賦稅  
及期一境無逋懸之簿既之罷任方欲歸 葦荏苒未進適值浙

江淮海等道而多寢送所在徵兵憂以路虞不通且駐宣城之側以軋符五年七月初遘疾至其年八月一日終于宣州權居之所享年七十有二時第三男溥自京侍從至南陵數載不曾暫闕晨昏侍疾求壘而忘寢食公歿之後護喪歸京涉歷山河皆之途步周迴委曲三千餘里二百餘晨方達家邑孝道之志此男偏臻曾參之儀秋之此也公之先域在於馮翊近載緣諸子從職多在諸方南北駟馳離鄉日久遂遂便移家於上都崇仁之里靈筵之禮備之于堂以廣明元年十月五日乙酉吉辰歸葬於萬年縣甯安鄉新塋之禮也夫人王氏以其糟糠之情饗祭從便阻以地遠恐後違時不赴馮翊舊鄉慮其子孫闕春秋之祀而從近焉

乃卜新阡在鳳樓原也防其異曰無虧 潔掃之儀子孫團圓不  
墜松楸之主伏以賢夫人太原大族之家引 駕王公魯之女也  
懷敬姜之志襲梁鴻之風常以內儲機蒂之勤外豐賓客之膳親  
族仰重四德不虧有男四人長曰洙見義武軍節度都押衙銀青  
光祿大夫檢校國子祭酒前隴州長史兼御史中丞屬以時當沙  
陀悖亂送臣李國昌侵之邊陲節度使王公知洙有韜略之機等  
算之握委領兵士剪伐羗戎果獲收復鎮城招携戶口 上聞

帝關表以殊功即領郡符必酬前効不久之際 新命當臨  
公之此子光前絕後迺是德章外甥女聳備孰德行請以為誌次  
子曰汾見署府從宦而有出羣之藝主執奏章頌立勤効即有榮

遷次曰溥乃是侍從南陵無虧晨省護喪歸邑不憚苦辛亦非  
久必榮家族也次曰湜與義武軍節度王公弟左神策軍糧料使  
弘紹同勾當供軍之務並各負凌雲之氣皆懷孝道之心盛德出  
於衆人光顯彰於前代有女一人媧同州押衙王衮尋終遐壽衮  
及女孫志在兒孫二人長名難胡即長男洙之子也年未弱冠亦  
是成器之寶豹澤貴顯之材次曰周兒乃是溥之子也見在襁褓  
孫女二人長適高翊守職鸞臺之內官授中郎之榮次女阿  
宜歲□及笄公時當盛族年至從心雖歿殊鄉得歸帝里  
四男泣血一婦摧傷備舉哀歌靈儀崇列丹旌攸攸送歸新闕嗚  
呼水無返注日不東迴泉門既掩永而不開刻石為銘乃為頌曰

温温府君

令德出群

其聰莫比

其孝有聞

冲和茂著

節操松筠

兩佐名縣

願立殊勲

方欲竭効

遽有替人

罷秩之後

偶染疾身

豈期倏忽

異鄉之魂

哀哉上蒼

何至于此

行善云吉

豈降其殃

離京之日

骨肉斷腸

不料永隔

生死分張

歸天無及

叫地空傷

卜其宅地

遷赴玄堂

蕭蕭松柏

杳杳白楊

泉臺將掩

隴樹無光

葬於新闕

永鎮龍崗

廣明元年歲次庚子十月辛巳朔二日壬午男溥書

誌稱師儒罷職欲歸適值浙江淮海等道多寇所在徵兵攷

是時王郢擾亂浙江至乾符四年始為劉巨容射殺平其餘黨而王仙芝黃巢稔亂已久河南淮南及蘄黃郢鄂等州所在陷沒當時方鎮如淮南忠武宣武義成天平平盧昭義各節度使皆奉詔討賊又詔山南東道節度使李福選步騎二千守汝鄧邠甯節度使李侃鳳翔節度使令狐綯選步兵一千騎兵五百守陝州潼關皆誌所謂所在徵兵路虞不通者也至誌所稱義武軍節度使王公案當是王處存據通鑑及舊書僖宗紀處存為義武軍節度使在乾符六年十一月舊本傳作是時師儒歿已經年尚未歸葬而洙與湜居官如故方謀營幹蓋時在軍中可援金革勿避之義耳誌云時當沙

陀恃亂逆臣李國昌侵□邊陲云云攷處存赴鎮後次年春  
即廣明元年沙陀嘗旣忻代逼晉陽陷太谷六月克用自將拒李  
可舉其大將高文集以朔州降七月克用還討文集可舉邀  
擊大破之國昌亦戰敗蔚州父子遂北走達韃誌中所稱正  
指此事惟處存曾遣將破敵收復鎮城史皆不載且新舊兩  
傳及通鑑皆稱其與克用世為婚姻深相締結不應有鋒刃  
相向之事或當時以附近藩鎮迫於朝命當以兵相從及既  
克捷乃因以為功誌主夸張遂獨屬之洙耳兩傳皆稱處存  
世隸神策軍故其弟復為神策軍糧料使據傳則處存有弟  
處直無弘紹名是時軍中有糧料使並有供軍使俱見僖宗

舊紀正六品上曰朝議郎十有一轉為柱國視從二品十二轉為上柱國視正二品宣州治宣城屬江南西道南陵縣梁置唐移治青陽城滕州隋永平郡武德四年置屬嶺南道乃下州也百官志下州刺史正四品下舊書職官志漢刺史臨部皆持節至魏晉刺史任重者為使持節都督輕者為持節後魏北齊總管刺史則加使持節諸軍事以此為常隋刺史名存實廢而不落持節之名至今不改通典所載略同惟以刺史加使持節諸軍事屬之後周與此小異實則後魏時已有之矣滕公佳城事見博物志及史記索隱太平寰宇記長安志等書豈府霜臺皆謂御史臺憲長則御史中丞也通典



御史所居之署漢亦謂之憲臺龍朔二年改御史臺為憲臺  
咸亨元年復舊門北闕主陰殺也故御史為風霜之任唐百  
官志殿中侍御史戴黑豸蓋取辨豸觸邪之義猶漢制也坊  
州屬關內道武德二年析鄜州置昇平上縣天寶十二載析  
宜君置上縣主簿正九品下太守即坊州刺史蓋唐時州郡  
迭易刺史太守可互稱矣誌云先城在馮翊且云阻以地遠  
似即指唐之馮翊唐馮翊縣即今同州府治也上都即京城  
肅宗元年改曰上都義武軍治定州管易祁二州通鑑玄宗  
紀注押牙者盡管節度使牙內之事銀青光祿大夫國子祭  
酒皆從三品隴州上州上州長史從五品上御史中丞正四

品下鸞臺即門下省垂拱元年嘗改為鸞臺中郎則通典載  
漢中郎將分掌三署郎有議郎中郎侍郎郎中凡四等魏晉  
後無三署郎猶置左右中郎將大唐亦置諸衛中郎將舊書  
職官志載親勳翊五府每府中郎一人中郎將一人新志則  
祇有中郎將而無中郎以通典攷之當以新志為是此誌稱  
中郎者蓋即中郎將如蔡邕為左中郎將而後人稱中郎是  
也誌文鄙俚且多別字不足深辨

祖君夫人楊氏墓誌銘

石高一尺三寸廣一尺二寸六分二十行行二十六七八字不  
等正書

大唐故幽州節度要籍祖君夫人弘農楊氏墓誌銘 并序

前攝滄州司馬鄉貢進士徐膠撰

楊之受氏宗干有周始於魯史所傳迨乎 唐年攸盛歷代軒冕  
嗣光簡書今不復云矣

曾祖昇皇不仕 祖輔皇攝幽州安次縣令 父瀛皇不仕

夫人家奉詩書門續青紫清潤從生之善道聽聞未教之清規故  
動叶禮經言作世躅洎乎成人之歲以父兄之命歸于 祖氏及

移彼天益煥明德率盡乃性爰穆其親加以學道自怡採微愈□  
閨門坐肅埃益潛融故 夫人之子曠不仕 王侯高躬藪澤洞

啓老莊之扁鑄退全箕穎之性情魯連三辭不吐譚笑萊子五綵  
自悅晨昏笥中之龜質堪悲天上之鶴書莫起嗚呼時當訛薄人

寡坦夷竟以勞生罕躋中壽而夫人道邁外物怡澹安貧克保  
遐長諒因顛養以廣明二年七月十四日終于滄州清池縣  
善化坊享年八十五是歲改元中和以十一月八日葬于所  
終之邑玄都鄉流祥里惟曠跡類漂梗禮至茹荼情疚送終資  
自良友塗芻潛備松楸克完其道實高其孝弥顯夫人女二人  
長適李氏次適劉氏咸稟夫人之明易成□□之嘉猷曠與余  
交分不渝素風備熟俾其紀石難讓濡毫銘曰

□□□儀

符彼內則

進盥逾恭

柔聲靡忒

雍穆其道

馨香在德

閨闈益清

替裳去飾

暗謝繁華

堅歸寂默

壽考保終

希夷自得

誠子遁跡

遠辱全生

輕辭世網

靜褊塵纓

上士斯達

弋者何營

伊誰砥礪

本我高明

碧岫無葉

滄郊寄壑

難詳彼美

空愧斯銘

前攝滄州司兵參軍從白書

幽州節度使開元二年置天寶元年改為范陽節度使安史之反據為巢穴至廣德元年李懷仙以州降始仍稱幽州節度使要籍其所屬之官百官志節度使有要籍一人安次縣漢置歷代皆因之即今東安縣地清池即滄州刺史所治邑也廣明二年即中和元年故僖宗本紀不復著廣明二年之號本紀載是年七月丁巳改元今此誌於七月十四日夫人之卒尚書廣明二年則必在改元之前可知是丁巳當為十

四以後之日又可知蓋誌作於十一月於七月事乃係追書不必以詔書未到為疑而故繫之廣明且為特筆至十一月葬時則改元已久故復著改元中和一語使卒與葬各符其所值之年文雖未優亦深合史家之例矣

王君墓誌

石高一尺三寸九分寬一尺三寸七分二十行行二十二字至二十八字不等字在五分鐘弱不等正書

唐故王府君

墓誌銘并序

府君周王之後洎太原人也 曾不顯其諱 祖諱弁 父諱暉

聰俊明哲孝有溫恭仁焉慈惠夫氣量弘深綏度廣大汪汪焉 皓皓焉與不可測深不可量足以幹事採覽經史是以仁經義緯

敦稷於陶迄孝敬淳深率由斯至盡歡朝夕人無洵言翔翔禮樂  
之表風儀與秋月齊明音徽與春雲等潤韻字弘深喜愠莫見用  
人通亮必於猶已澄之不清撓之不濁性自踈野為人蕩蕩不止  
祖父丘園樂土即住遂於湯陰縣東北界薛家莊疇養身自在何  
期福去禍來突隨疾起神針無驗靈藥無貞花隨風以榭樹人曰  
疾乃終身享年八十有一私室權窳累歲再啓攢陰有子二人長  
曰成治婚於紫氏次曰成晏督於崔氏有女五人早以適事兒女  
等並以歸天慟哭五內崩催三日絕漿哀泣血六姐慘然夫人  
魏氏望孤瑩而撫憶登竭家財將充殯禮於中和二年二月廿四  
日就相州東北三里古北王村先塋禮也恐後棄田瓊海嶼塔

有移刊勒貞石用章不朽

詞曰

神精感運

旱雲發祥

永言必孝

股肱惟良

義既川流

文炳露散

窈：戶洵

兮燈滅夜

何時兮燒婦

後讚曰

青島卜地

吊鶴來翔

長緋人世

冥路蒼蓮

祖塋後冗

新墓早歲

勢起四季

散花之壘

瑞之於中

万代吉昌

右墓誌不著王君之名此例之變者始有所諱而狀以狀漢  
郊令景君闕銘又謁者景君北海相景君三景碑皆不著其  
名字則斯例古有之矣既誌詞意王君佶高隱者流或自不  
欲以名顯而後人遂遵其道命歟誌銘之後又有贊亦塵見



此墓誌體例與北海相景君碑政同景碑不署名此誌亦不署名景碑前有誄曰後有尚曰

前者亂者其也

此誌亦前有銘曰

後有贊曰又漢巴郡太守樊敏碑其辭曰云云又有亂曰云云亦墓碑與此同例者至漢都鄉孝子嚴奉碑有頌又有亂曰十六句李翕鄰閭頌乃作頌曰皆四言頌末云乃詠新詩下復有詩如騷體則又不徒墓碑為狀唐人文字去漢未遠其涂轍所在尚可研究而專非漫無取法而為是誇多標異也誌云孝有溫恭有與友通論語學而有朋自遠方來釋文有本作友荀子大略友者所以相有也注友與有同義並鐵論殊路引春秋傳季友作季有誌又云花隨風以榭樹榭與

謝通禮記禮運以為臺榭釋文榭本作謝左傳宣十六年成周宣謝大穀梁作宣榭荀子王霸臺謝甚高注謝與榭同又云五內崩催催即摧漢金鄉長侯成碑鴻儀催零餘釋云以催為摧按說文催相搆也引詩室人交偏催我今詩邶風作摧釋文云或作催催與摧古蓋通用漢金廣延母徐氏紀產碑五內催碎摧亦作催又韻字弘深字疑字誤字訓養韻度也韻字釋養度韻亦通

范寓墓誌

石高一尺一寸九分寬一尺六寸二分二十四行行二十一字至二十五字不等字徑五分正書

唐故宣節校尉前行揚州海安鎮副順陽范府君墓誌 并序

鄉貢進士京兆田輝述

君諱寓字正詞其先順陽人也出自黃帝之後西晉祿章太守寧  
之衷孫也自漢魏迨于皇唐蟬聯冠纓積久尤盛固不備而書  
之曾賢祖宿父蘭象在少微並見遺於寰海悲夫府君處  
士蘭之幼子也毅然孤特介尔貞亮以仁義為戈鋌以禮讓為干  
櫓書有五福君獨享其三士有百行我不虧其一早歲效蕭何之  
職吏作作字下似有添注  
字是人字不甚晰糾於金陵虬公廉平約已清惠人懷道  
愛歷授海安鎮副守仲尼執鞭之義也俾能全節操於險阻終優  
游以度齒信矣哉君子人也天不祐德哲士其萎匪延永齡奄歸  
幽壤以中和二年龍集壬寅九月廿五日寢疾終于招賢里之私

第春秋八十有五 府君娶弘農楊氏以於咸通十年七月五日  
不幸早歸幽路 夫人育子二人三女長曰友瓊次曰友璫長女  
適河東薛忻次適汝南周甫次適琅耶王義長瓊娶新婦琅耶王  
氏友璫娶新婦汝南袁氏長孫祐次孫祈次孫祥次祝次祠已下  
皆幼稚□以哀過曾閔恫泣崩心痛結肝脾悲感閭里即以其年  
十一月己巳朔廿八日丙申安窆于盧龍山之東南原祔于 先  
祖□塋地庚首礼也龜從筮叶窀穸是謀緘以夙承 海安知春  
俾述其馨烈旌厥懋德永誌丘陵銘曰

綿綿威德 降茲哲士 深沉氣緊 干櫓禮義

身雖謝世 道乃逾美 緬矣南陔 哀哀孝子

將安宅地 遠去□里 霧苦松青 千秋永已

右唐范寓墓誌光緒戊申三月江甯府城內無量庵左近因修鐵路掘出范君揭銜宣節校尉前行揚州海安鎮副按新唐書百官志武散階正八品上曰宣節校尉上鎮副二人正七品下中鎮副一人從七品上下鎮副一人從七品下地理志廣陵郡海陵景龍二年置海安縣開元十年省元豐九域志縣有海安西溪二鎮謹按 大清一統志海安鎮在泰州東南即故海安城明初常遇春築甃以甃甃周三里有奇尋置巡司則此鎮名迄前明猶未改矣揚州揚字唐人竝以木作楊此墓誌作於唐末尚不從才則改從才苟始自宋

始矣誌稱范君為西晉豫章太守甯之裔孫晉書范汪傳汪子甯字武子解褐為餘杭令遷臨淮太守封陽遂鄉侯徵拜中書侍郎補豫章太守又攷宋書范蔚宗為甯之孫甯子泰之少子則范君乃名賢族裔其誌石綦足珍矣范君長女適河東薛忻新唐書宰相世系表薛氏西祖房忻侍御史後魏河東太守慶之八世孫始即其人歟誌云安寔於盧龍山之東南原太平寰宇記盧龍山在上元縣西北二十里西臨大江舊經云晉帝初渡江以其山連石頭開鑿為固故以盧龍為名建康志在縣西北二十五里舊與馬鞍山相接秦時鑿山至今溝內石骨連焉明顧起元客座贅語盧龍山今土名

獅子山

錫齡案揚州之揚唐人亦揚揚並用歷觀古刻从手从木之字互潤者多特揚州揚雄已以千古疑余耳

戚高墓誌

石高一尺四寸五分廣一尺六寸二十一行行二十二字至二十  
十五字字徑四分至七分不等正書左上角缺

唐故北海戚處士墓誌

并序

布衣趙玘

處士諱高字崇景其先北海郡人枝派清遠不可殫言上因官從職連為越州諸暨靈泉之里人也曾皇父韓朝 皇父韓霞 皇考諱防清崇道德風月悵情皆沒跡雲端世推之上也 處士才鋒韞銳仁海疑波不重百辟之榮而嗜寸陰之道見一善而忘百非洞施思而不念報滔滔為冠世媒偕蕩蕩作後來梁櫓何期覆覆載興否三清晦明淋人君子故不萬齡處士芳壽不或之歲未

昇壯室之年有五以中和三年歲次癸卯秋九月甲子朔十九日  
壬午之辰天降深崇魂沉逝流遂奄終於後流私第嗣子三男二  
女孟曰崔婆仲曰啣咻皆當齷歲禮義未分扶柩嘔啞孰不傷憫  
痛哉季子董婆極負懷抱倚廬之門運業何因終天之苦長女娉  
受周氏禮未及歸幼女齒未及笄遽遭酷罰夫人清河張氏孀  
情慘裂涕泗交敷并纒無光蓬鬢髮首泣青萍之去跡突綠綺之  
斷絃夫人遂抑哀整容咸告兒女曰禮難可踰吉擇日月善卜名  
原以年冬十月甲朔廿七日庚申將窆于石解 皇父之塋右壬  
首之墳原之禮也虞以日居月諸山谷淪變哀告請銘玃宿契金  
石敢慙 璵才掩涕握管而為銘曰



葬之華蟬之蚌石之火水之漚四之

質難久留其二尊道德洞仁

義望長林成大器執如天興禍至醴泉  
竭德星墜女未歸男尚稚  
嬌妻房冷秋水靚遺蹤送雙淚宿何緣  
無終始泣告余請銘誌

右墓誌在諸暨縣據洪筠軒所藏拓本錄之正書廿一行案誌  
處士戚高字崇景諸暨縣靈泉里人以中和三年九月十九日  
卒誌云不或之歲未昇壯室之年有五處士卒時年僅三十五  
何期覆載覆下衍一覆字靈泉里後流石解皆可補縣志之闕  
兩浙金石志

右處士戚高墓誌在諸暨縣近時始出土汪厚叔選部所贈誌  
撰人題布衣趙玘稱處士諱高字崇景其先北海郡人遷為越

州諸暨靈泉之里人也以中和三年歲次癸卯九月甲子朔十九日壬午之辰終於後流私第冬十月甲午朔廿七日庚申將窆于石解皇父之塋右壬首之墳原誌稱處士芳壽不或之歲未昇壯室之年有五處士卒時年卅五

平津館請碑記續記

右墓志阮氏所据拓本尚未殘缺今缺一百八字以側寫別之按馮登府金石綜例碑書芳年條引唐陸氏劉夫人墓志芳年卅有七此志男子稱芳壽无例之異者女亦為子條引唐孔紆墓志紆只一子錢婢而碑云二子女亦為子此志稱嗣子三男二女與孔志同例

龍興寺尊勝陀羅尼殘幢

僅存一尺二寸正書上截三佛象

聞出三塗離諸苦惱

下缺

住□於□塵霑衣

下缺

亡考建幢於龍興寺

下缺

噫嘻 寒松千丈 澄泉

下缺

宣之偈 如來祕密之音

下缺

光啓四年四月十

下缺

佛頂尊勝陀羅尼

經咒不錄

匄齋藏石記卷三十六

唐二十

楊公夫人隴西縣君李氏墓誌銘

石高一尺九寸九分廣一尺九寸七分二十六行前條題并款四行正文十八行行二十五六七字不等銘四行行五十字徑六分正書

大唐奉 聖保忠功臣左神策軍散兵馬使押衙充昭弋

都都知兵馬使金紫光祿大夫檢校刑部尚書兼御史大

夫上柱國弘農楊公夫人隴西縣君李氏墓誌銘

并叙

朝散大夫守光祿少卿柱國賜緋魚袋李貽厚撰并書

夫人隴西縣君李氏曾祖譜祖充父僅皆不仕先妣夫人徐氏

縣君幼而聰慧長則賢行令淑之稱傳于內外年十六笄于

弘農尚書楊公及歸杲以雍柔之道備聞六親上和下睦克成家肥矣廣明中 弘農尚書楊公以黃寢犯闕乃 扈從奔

蜀至光啓年復從 乘輿巡狩于岐陽 楊公尚書天資正直

神授機鈐臨戎每奮其威稜鼓 國唯竭其忠信一自都城

紛擾 輦輅播遷常泣血以祈天每枕戈而待旦杲雪霰瀛之

耻終平

君父之嗣因此亟加重任累踐劇職

天子歸復京師乃下 詔曰扈從功臣已加褒獎追封之典

宜錫恩榮 尚書楊公乃以 夫人德窈婦儀道光墳

則早崇儉節躬衣浣濯女史識彤管之箴雅頌合闕雖之訓乃特

封隴西縣君繇是聯華茂族著美中姻克播高風統垂令範既從  
夫貴益表身榮已彰郡邑之封是顯閨門之慶大順二年正  
月七日忽遽微疴遽成寢疾竟乖勿藥終痛膏肓念二豎兮徒訪  
秦豎想孤魂兮□遊岱岳其月廿三日捐館于宣陽里享年二十  
有六嗚呼

縣君有德行可稱有恭儉可尚合鍾厚祿  
保遐齡而天不垂祐斯乃謂脩短之數矣有女三人皆稚齒襁褓  
中十七日葬于萬年縣同仁鄉仇白村附于 尚書先塋禮也余  
寄都營居 尚書弘農公因請為誌不敢多讓乃書銘曰

行光婦道

名窈毋儀

玉同潤德

松比貞姿

令淑有聞

節儉無比

式表柔和

克弘懿美

蕙華彫艷

英蘭墮芳

人生若幻

一夢堪傷

薤露成悲

丹旒將發

寔寔是期

寢苦永訣

垂彼令名

保茲不朽

刻于金石

天長地久

刻石人李庚容

右誌書黃巢犯闕及僖宗奔蜀狩岐陽年歲均與史合終平君父之酬蓋誤以酬為讎字他無可攷者惟此誌橫閱之別有字蹟可識者甚多約計當近三十行字較此誌稍大行書首行標題云大唐故檢校□書御□□御史楊□□夫人隴西郡李夫人墓誌銘并序次行有書款惜不辨其名銘曰二字居一行銘詞四行行似二句首句云月落芳光復沉闕

三句云婉孌兮九族特異五句云訓道彰兮女□俱備七句云名徒存兮影隨逝水餘皆斷續不成文蓋此誌乃磨去舊刻重鐫者惟標題亦係楊夫人隴西李氏若以為即一人之誌重撰再刻則其夫繫銜又不合豈原誌隱括書之耶又誌書夫人正月廿三日捐館下書十七日葬而不云某月故從卒時月日編之

崔儀與鄭氏夫人墓誌

石高一尺六寸一分寬一尺六寸三十四行行三十四字字徑五分蓋高八寸六分寬八寸五分四行行四字字徑二寸竝正書蓋有方界邊潤二寸芙蓉花紋

唐故右拾遺崔君與鄭氏夫人合祔墓銘

蓋



□故右拾遺清河崔府君與滎陽鄭氏夫人合祔墓銘

并序

親舅朝散大夫行尚書司勳貞外郎柱國李再撰

再房兄朝散大夫國子周易博士柱國德羅書

府君諱縻字濟之清河人也地冒清高門風儉肅元魏以降符闕  
間獨稱四姓清河之族寔為華茂其於德望熏焯軒冕蟬聯代有  
其人世不乏嗣史諫具紀難備斯文

曾祖異 皇任尚

書水部貞外郎渠州刺史贈太傅

祖從 皇淮南節度使

檢校尚書右僕射贈太師諡曰貞

父去潛 皇太子太師

贈太尉

我家與

崔氏世接姻媾退榮秦晉

長姊適

太尉公生三人

府君即次子也敏辯成性孝敬居心仁義睦親謙和與物推誠於  
朋執敦友悌於閨門見善必遷惟賢是狎窮經而義貫心腑靡耀  
於人奮筆而詞動菁英莫矜於世泊乎理道之本濟俗之謀剖柝  
而洞究根源練達而皆明機要雖先儒之奧業良吏之優才力諸  
精通莫能偕比年廿八擢進士甲科第

故相國太尉杜公

總征賦之任署鹽鐵巡官奉授秘書省校書郎

故相國司

空鄭公奏充集賢殿校理乃授京兆府叅軍兼職歲蒲轉渭南縣  
尉又轉長安縣尉皆職如故俄拜右拾遺

府君幼負偉量不拘小節加以磊落奇表曠達襟靈時人咸許之

以開濟之才待之以卿相之位豈期一登通籍纔越壯年彼蒼者  
天殲我莫妙何蘊其才而不展其用積其善而不享其齡耶不幸  
寢疾旬日以軋寔四年八月廿日終于華州之官舍享年三十有  
三 府君娶故度支巡官監察御史滎陽鄭景淋女 鄭夫

人亦我之自出也族氏高顯著羨山東鍾慶閨闈誕生賢淑稟性  
而溫明可則飾身而柔順自持逮於刀尺之上詩書之業匪因訓  
教咸自通曉洎歸 盛族克顯婦儀蚤夜惟勤終笄總衿纓之  
禮敬恭罔怠奉蘋蘩祭祀之職而又端貞垂範儉素作程慎休宗  
姻敦睦娣姒式叶宜家之道雅明主饋之方不幸天不與年先

府君即世以大順元年正月廿四日寢疾終于長安開化里

享年二十有八有女一人名曰玉章年若干歲毀瘠踣慕有加成人頃者

府君與

夫人辭代之際皆屬歲月非吉未克

歸于

大墓權窆於華州華陰縣

鄉

村今因

太

尉公靈輿東附

先遠有期今

集賢

相國公

府君之堂兄也銜表庀事痛毒于懷乃悲

府君之喪已易歲時未還鄉陌爰詢龜筮果叶吉良遂議

舉

遷同歸洛食即以軋寘五年八月六日合葬于河南府壽安縣甘

泉鄉連里村附于

先塋禮也余奉

長姊岐國夫人

命以

府君之官督行業特屬編載不敢以荒薄辭遂得據

實始平濡毫揮涕乃為銘曰

國有

盛族

族有令嗣

惟善惟仁

宜壽宜貴

懿彼嘉偶

誕生清門

百行無玷

四德可尊

孰期徽美

皆悲友侶

所謂薜華堪驚風燭

逝

波奔海

良玉成塵

魂掩重壤

名載貞珉

菽菽

嵩高潏潏洛水

永祔

松楸

保高泉里

右唐故右拾遺崔暉與夫人鄭氏墓誌余感石有大和七年崔慎經夫人李氏墓誌暉即慎經從子也誌云暉清河人曾祖異尚書水部員外郎渠州刺史祖從淮南節度使檢校尚書右僕射贈太師謚曰貞父安潛太子太師贈太尉書誌人再房兄朝散大夫國子周易博士柱國德雍按新唐書宰相

世系表崔氏之先叁丁公伋子季子食采於崔因以為氏濟南東朝陽縣西北有崔氏城是也漢東萊侯業始居清河東武城則清河其鵠貫矣南祖崔氏異渠州刺史從字子又淮南節度使清河縣伯安潛字進之太子太傅貞孝公艤字濟之父子字皆用之唐人簡質近古處右拾遺德雍周易博士與誌互有詳略異同誌云艤即安潛次子據表安潛三子柅字制之太常卿次艤次伽護與誌合又按兩唐書列傳從與安潛新書並增崔融傳異從安潛艤舊書並增見崔慎由安潛傳新書但言融曾孫從而詳從父之名舊書言安潛祖異父從與誌政合此舊書詳於新書處也異官渠州刺史舊書與誌合而無

尚書水部員外郎之文從官檢校尚書右僕射與舊書合新

書作左僕射淮南節度使兩書竝作淮南節度副大使知節

度事

崔慎經夫人李氏墓誌亦云從官淮南節度使

諡曰貞與兩書合安潛官太子

太師兩書竝云太子太傅卒贈太師誌以贈官為授官稍失

實矣贈太尉兩書皆無之兩書竝云諡曰貞孝而誌無之抑

賜諡在作誌後歟以誌證史與舊書合處較多可見舊書不

劣於新書矣誌云崔君年廿八擢進士甲科第故相國太尉

杜公總征賦之任署鹽鐵巡官奉授秘書省校書郎故相國

司空鄭公奏充集賢殿校理按崔君卒於乾甯四年年三十

有三當廿八擢第時實為昭宗景福元年改新唐書杜讓能

相昭宗累進太尉則杜公即讓能無疑鄭氏唐末作相者從讓改竝相僖宗延昌相昭宗從讓改竝拜司空狀皆卒於中和中時代不合延昌時代合而史無拜司空之文抑其卒後贈官而史從略歟此誌所云鄭公非延昌莫屬矣誌云今集賢相國公府君之堂兄按崔盾字垂休慎由子軋甯中同中書門下平章事新唐書入姦臣傳即所謂集賢相國也誌云崔君夫人鄭氏終于長安開化里以軋甯五年八月六日合葬于河南府壽安縣甘泉鄉按長安志萬年縣所領朱雀門街之東從北第一興道坊次南開化坊坊即前司徒兼侍中崔垂休宅在焉据新唐書昭宗出鳳翔幸朱全忠軍盾迎謁



於道復拜平章事進位司徒後又進侍中又云李茂貞劾奏  
屠畜死士用度支使權利令親信陳班與京兆府募兵保所  
居坊當即指開化坊矣乾甯五年即光化元年新唐書昭帝  
紀是年八月甲子大赦改元括資治通鑑目錄是年八月戊  
戌朔甲子為二十七日誌作於六日癸卯改元之前二十一  
日也壽安縣今河南府宜陽縣治剖枿枿即析字與漢張遷  
碑陽氣厥枿孔耽神祠碑苗冑枿離唐褚亮碑昭鈞枿字並  
同慎休即噢咻玉篇噢咻痛念之聲集均或眉作休力諸精  
通諸是指誤銜表庀事表是哀誤誤字不改古石刻有此例  
無足異也

錄於素王義之諸子皆以之名又不獨父子字皆用之矣

孟瑋墓誌銘

石高一尺八寸二分廣一尺八寸自左上至右下字悉漫滅僅  
右上一角有字左下一角存字較多大約二十四行行二十餘  
字字徑六  
分正書

上  
二年歲次乙亥閏二月壬辰五日

□□內軍都指揮使金紫光祿大檢□

□□孟瑋 誌銘 并序

□明主王時忠臣定亂

先後代屬于故平□

瑯琊郡王氏

山河每著

河

鳳 □

班堦

狂兇蕭

誠專館

青史 名光

田單子俊吹噓武

渡為世上嘉祥九幽

系迷而銘曰

雲 董乞河嶽 儀彩分明容□□落

有忠 無諂無惡 墮雁烏蹄斬蛟龍鐔

一帶山河 盡曾開拓其二 孝收奉上 恩威臨下

王化 定難金批 擒光鐵馬 清譽標書 神儀入畫其二

義拘人心 唯個儻 志在清勤 千征為主 一世榮身

函金□ 寵□頻新其二 大國喪賢 中霄翳月 擎天柱隕 匡時肘折

死傷其一 □唯酒盃 淮北江南 流傳 英烈其二

右誌曾歸張君丙炎丙交跋識數語謂焦理堂孝廉定為楊

吳天祐十二年物寔朱梁末帝貞明元年也貞明原錄今案

焦說良是蓋天祐十二年為乙亥歲今誌云歲次乙亥下云

閏二月壬辰攷舊五代史梁末帝紀及通鑑目錄是年正閏  
二月其三月為辛酉朔則閏二月自當是壬辰朔今誌雖脫  
朔字然原文必當作閏二月壬辰朔五日丙申以此證其為  
天祐十二年物更無疑義然是時晉岐吳三國皆仍用唐天  
祐年號此獨知其為吳者不獨據出土之地知之也標題軍  
上一字雖泐尚彷彿似國字新唐書楊行密傳載昭宗時帝  
以宣州號甯國軍授行密節度使則此誌標題當為甯國軍  
三字方鎮表雖載天復三年廢甯國軍節度使復為都團練  
觀察使然五代史職方考仍載宣州為甯國軍謂其係唐故  
號更五代不易是楊吳時有甯國軍之明證不獨此也標題

署金紫光祿大夫而無夫字似係脫漏余案容齋三筆載鄂州城北有鐘題誌云大唐天祐二年三月十五日新鑄勒官階姓名者二人一曰金紫光祿大檢校尚書左僕射兼御史大陳知新一曰銀青光祿大檢校尚書右僕射兼御史大楊琮大字之下皆當有夫字而悉削去者以楊行密之父名怵怵與夫音同故諱之云云今觀此誌亦署曰金紫光祿大檢校下缺與容齋三筆所載鐘款正同既可證洪氏之說信為不虛亦恍然於所以不書夫字乃因避其父諱之故然則此誌之為楊吳天祐十二年造尚何疑耶惟孟璠之名不見史傳且璠字瘦小與他字不類疑係後人加刻或原刻作孟君

墓誌銘亦未可知又文中有瑯琊郡王氏語或其人本王姓而孟璠乃其字耶以銘詞觀之則其人乃為將有功者新舊五代史所載當時重臣握兵柄者率充都指揮使則都指揮使固當時將帥之職也

張宗諫墓誌銘

石高一尺三寸三分微強廣一尺三寸石四邊有水半紋二十行每行字數不一正書

唐故南陽郡張府君墓誌之銘 并序

夫戴天履□暮息晨趨曜異川流朝榮夕落愔想人世瞬息光陰而矣府君諱宗諫字□諱河內循武人也其先寔軒棘之涓緒涼王之遺苗濟漢□吳恢梁翼晉股肱 帝業柱石 皇

猷將相公卿備昭圖諫晉司徒華公九世孫待問長慶中爰自憲  
府問俗平城因為馬邑人也 祖祚以河洛□睽回知官序 父  
興順王母河東賈氏志態閑逸不事 公王適跡丘園早沉幽壤  
府君幼而令黠長亦謙恭孝敬敦高和叶忠信勤劬生務基業  
晝餘往復關河漬運資貨時衝炎滂疾瘵縈纏雖召秦醫難逃晉  
豎以天祐十年正月十九日終於天寧私室春秋六十有三親戚  
哀□行路傷嗟夫人天水趙氏含辛撫幼忍楚持生長子吳十七  
早年場遊次子教習始娶太原王氏頃掩泉冥鮪迎邯鄲趙氏孫  
男三人首曰十六□□縹門未登戒品次曰常住曰僧住並揚揚  
惠黠落落通靈一女適濟陰董氏幼承風教怡順舅姑禮敬齊眉



名聞鄉邑 府君之嗣子敬習究舒南北儉素居家追遠之情祭  
葬事切器觀華麗食饗鮮明以天祐十三年□□□四月□酉朔  
日葬於軍城之西北隅五里馬邑縣殍胡鄉和戎里息馬之□□  
前臨秦壘後倚桑乾東□長川西瞻廣陌塋地□列 父祖威遠  
□□□城旆臨窆窆親眷悲悼禮事爰終恐時代遷移陵谷更變  
刊□□石□□銘焉其詞曰

□□

十下

三光迅

人生瞬息

榮耀□□

太行有路

巫峽□□

經營□遂

衰毫將秋

二豎見逼

百味難療

窳然沉默

悄尔冥幽

青山戢戢

白水攸攸

杉榆森森

松柏颼颼

右誌云張公華九世孫待問檢唐書宰相世系表無待問之名其云自憲府問俗平城當以寄祿憲銜官於平城遂著籍於彼又云祖禰以河洛□睽罔知官序應以河內與馬邑相距絕遠河內本望之官闕不可得而聞也宗諫以積貲經商冒犯炎潦積勞致疾其三孫長者既入緇門次名常住僧住皆取佛教中語為名亦似歸依佛門其子敬習能於祭葬之禮不闕亦可謂盡孝者誌云天祐十三年四月□酉朔考天祐為唐昭宗子昭宣帝之年號至四年而絕後唐太祖克用奉唐天祐之正朔稱至五年而止莊宗復由五年稱至十九年馬邑地屬後唐故用天祐年號以通鑑目錄考之是年三

月乙卯朔下推至四月朔為乙酉是年為梁貞明二年後唐  
莊宗之八年也

杜府君夫人朱氏墓誌銘

石高廣均一尺五寸五分微  
強二十行行二十字正書

唐故上騎都尉通直郎行永康令杜府君夫人朱氏墓誌銘并序  
若夫桂擘松貞表恭姜之逸操蘭薰雪白彰孟光之閑雅寢地之  
凱無爽於幼年弄璋之儀有成於壯歲能兼之者寔夫人之謂乎  
夫人朱氏即榮之後也分官命族唐典邁於知人揚曆開基魏史  
光於進德父琛才兼文武位列周行真爽監梅將調鼎鼎夫人問  
名納禮適於杜氏之門承舅姑以敬恭事姊姒而柔順中饋酒食

之禮幣悅榛栗之儀皆闔合於前經終可為於後則不謂藏舟靡  
固陽劔先沈志負寒霜煥其孤藐每心歸向祈以淨回虔仰六時  
匪虧一念知岸樹之非久織井藤之不堅豈積善之無徵忽違神  
於大暮於是夜臺空掩遊月肆而無歸草露晨晞望雲衢而不返  
春秋七十有八嗣子君信泉樹多感樂棘有傷思荅無由踣天叩  
地即以其年十一月廿五日葬於龍首原禮也白楊淒切素柳縈  
紆丹旒續翻黃壚靜寐恐陵移海變冥漠無追敢勒翠球式旌不  
朽銘曰  
萊梁之妻夫人能似幼彭令德實佐君子家嚴  
冠紱名傳策史俄化一生溘焉萬祀其容駕晨裝哀歌曉徹庭醅  
告輝崩心歷五閩者悽楚見之嗚咽恐音徽之寐寐庶播芳於鏤

碣

據誌夫人為早寡守節故以恭姜孟光相比恭與共同即詩傳柏舟之共姜弄璋用詩斯干篇毛傳也今之毛詩總角也今作非惟唐石經作非此誌言非歲知唐傳習之本尚不誤也誌言夫人即榮之後而上未及榮事叙述顯漏分官命族四語俱隸杜氏事唐書宰相世系表杜氏出自祁姓帝堯裔孫杜畿杜恕均著於三國魏志夫人之父琛既云才兼文武位列周行而唐書無傳殆亦虛詞飾美儷偶之文往往如此後漢書周磐傳章懷注引汝南先賢傳云蔡順事母至孝井桔槔朽在母生年上而順憂不敢理之俄而有扶老藤生繞

之遂堅固焉誌云識井籐之不堅用此事岸樹非久似本鬼  
谷子亦張儀蘇秦河邊柳語尚未可定龍首原已見別誌考  
證中永康縣屬江南道婺州上騎都尉為勳階之六轉視從  
五品從六品下曰通直郎俱見唐志宰相世系表杜氏無官  
永康令者則其人亦不甚著可知此誌銘詞容駕晨裝容字  
小有缺損然其迹尚可辨仞劉熙釋名釋車容車婦人所載  
小車其蓋施帷所以隱蔽其形容此容駕所本非容字也

居士天水趙府君墓誌銘

石高一尺四寸廣一尺四寸四分後半悉磨滅前可見者約十  
六行行二十五六七字不等正書

唐故居士天水趙府君墓誌銘

并序

將仕郎前試左武衛兵曹參軍申昉述

府君姓趙氏哀天水人也別業易州來水縣湏□先父泗□□仕  
流浪海隅從軍地遠徙居青州兩世迄今凡二百年矣先妣夫人  
□原王氏生公是季□也 府君生居□北海之郡志好雲林山  
水南北貨賈利有攸往廣涉之川博學古墳與朋友交言行敦美  
信義彰聞輕金玉立善外著□行□□ 府君諱□宁光婚夫人  
太原王氏有男三人長曰審巖次曰審裕季曰審文女一人初筭  
之年適夫陰氏孟男年居弱冠之秋居然老成□□大了□門□  
之堅操行行古□立信溫□可親□□有知流□千載□ 夫人  
王氏令淑賢□居□□淚血在苦塊之內殞哽□□骨 約泐六字

譽聞

□從

下泐專著

府君遇軍

約泐十四

五字

不遺毀藝錢穀

湛然上下無

約泐十二三字

月五日遇疾青

約泐五字

於人世而

約泐十一二字

得吉夕殯於

以上泐

松筠厥業

本行僅首一字似

約六行低二字當係銘詞全泐

惟末行約略可辨仍存如下

省

□玉

□□□□□

□□□□□ 思□□回淮詒□□

唐青州舊為北海郡是北海郡即青州也郡上一字泐當是邊字之類惟志稱先父徙居青州兩世凡二百年云云案果止兩世不應有二百年而誌中父字既明晰即兩字亦不能以他字易之殊不可解未水縣地理志作涑水左武衛即十六衛之一有兵曹參軍事一人將仕郎從九品下階也



祔葬墓志銘殘石

石高廣各八寸一分正書

上缺 未□文伯之□遣□恭姜 下缺

上缺 護共榮并藤仍謝以大唐 下缺

上缺 有四嗣子□璋等痛切茹荼 下缺

上缺 丙辰祔葬於長安□西北三 下缺

上缺 陽鄭氏次曰素□適清河山 下缺

上缺 昭懿乾乃為銘曰

上缺 青春 俄悲黃鵠 德 下缺

上缺 毋儀 如 下缺

□□女則

如下缺

上缺空垂

寒幃寂寞

遠 下缺

上缺不春

夜臺詎曉

□ 下缺

右誌四周俱斷係唐婦人誌石觀文伯恭姜及銘詞中黃鵠等語益早寡守節而其子未及祿養者陽上當是榮字河下當是崔字其女俱適巨族則亦必非單寒可知惜苦節畢生竟未能食報以殞良可慨已

沙彌尼勤策塔銘殘石

石高一尺一分上廣七寸六分  
下廣五寸六分有界格正書

沙彌尼清真塔銘 并序

大安國寺沙門季良撰 兼書

勤策尼者扶風馬公左武衛中候順之  
李女大招福寺郟法師之猶子子也幼  
而聰慧性善管絃耳所一聞心便默記  
仁賢溫克尤重擇門父母違而嫁之遂  
適隴西李氏宿衛榮之貴妻自入夫門  
便為孝婦雖居俗禮常樂真乘每持金  
剛經無間於日迨十許稔不意染綿羸  
之疾藥物不救委卧匡床由是  
心捨俗遂道契首頁

右石闕其左方上闕下窄今如其式撫之誌首一字缺其上

畫城翻譯名義集七眾弟子篇沙彌尼條下云奘三藏云室利摩拏理迦此云勤策女據此知此尼名勤策無疑唐之婦人歸身佛門雖已為尼死後有與夫合拊者有別瘞一所者有建塔者相習為俗此尼因染疾沈繇託身為尼故建塔瘞之而季良為之撰銘據宋敏求長安志長樂坊東有大安國寺注睿宗在藩舊宅又崇義坊內橫街之北有招福寺注乾封二年睿宗在藩立按唐會要卷四十八安國招福兩寺均無大字長安志安國寺有大字據此銘招福寺亦應有大字也

墓誌殘石

殘石高七寸九分上寬八寸下寬七寸三分弱十一行行十一  
字字徑四分正書有碁格

上  
闕不貞川翼尔□□□□□  
上  
闕先凋遂使影謝蘭惟芳□□  
上  
闕燭

宅地未終摧為殯厝以唐<sub>上</sub>闕<sub>上</sub>祔葬於龍泉故里矩陰山北<sub>上</sub>闕<sub>上</sub>樹纏

憂嗟令問而空存痛慈<sub>上</sub>闕<sub>上</sub>聞爰想德音重為銘曰

闕此貞良<sub>上</sub>其貞良于何淑人君<sub>上</sub>闕<sub>上</sub>職胡寧不咸人謠善政俗讚<sub>上</sub>闕<sub>上</sub>

奄喪永古長秋<sub>上</sub>其恭惟後嗣<sub>上</sub>闕<sub>上</sub>啓玄扃与蟻總庶慈顏而永<sub>上</sub>闕<sub>上</sub>既

龜從於五兆<sub>上</sub>何謝於千

右殘墓誌塵存元石四分之一乃後半之下方全文行數不  
復可計以銘詞每句四字計之每行二十四字第三行末有  
以唐二字知為唐人之蹟龍泉唐縣屬關內道綏州今陝西

綏德州治

墓誌殘石

殘石僅存一片作斜角形右上角缺左高六寸三分最寬處厚四寸字徑三分強末行字徑二分強竝正書

上泉  
下

上而為銘曰

蘭桂爭芳

泉高夜長

霧昏星月

上水  
併成嗚咽 二

上我留白君  
重泉甘果如畫  
下君城址

右殘墓誌無年號以書執宋之斷為唐刻銘詞至併成嗚咽  
句已數末行亦四字句當是銘後又有銘与中和二年王君  
墓誌銘後有讚同例左下角□君墳埏字則是石已剝落為  
後人所刻記耳埏墓道也後漢書陳蕃傳民趙宣葬親而不  
開埏

郡守崔公德政殘碑

碑僅存片石高二尺許分上下兩截刻分書

百載美其人 或易亂法士

今見之吾郡 藉二易操

守崔公公以 六易 下缺

壬子來守吾

郡 = 人曰

大取下下缺

碑無年月及職官地名可攷誠不知為何時何人之碑惟內有崔公來守吾郡云云則必郡人頌其長官無疑矣書分兩

層行僅五字從來無此碑式姑闕疑可也

全碑當不止兩層姑據現存言之

賢書作取漢校官碑已如此隸釋以為賢去其貝元單禧跋亟稱之至吳氏金石存及潛研堂金石文跋尾始引說文及公羊疏并釋文證之以為賢之作取乃用古文並非故去其貝而後其說較洪氏為長又案金石存謂袁良碑亦作取則



又在校官碑之前矣

劉夫人侯氏墓誌

石高一尺二寸二分半寬一尺二寸一分十七行十七字  
徑五分正兼行書蓋高一尺二寸六分蓋寬一尺二寸三分半  
二行行二字字徑一寸八分篆書四周花紋寬二寸九分半

侯大人銘 蓋

劉府君故夫人上谷侯氏墓誌 并序

夫人侯氏其先易川人也年五十八有唐壬申歲辛亥月辛于外  
生深州管記之松第踰月歸掖擢曆於先塋常山城東北五里之  
平原禮也寔以星婺借靈常娥助質閨門儀範動合規躅至如執  
成織維之伎宛自天假非關傳母蓋茲令淋□□其芳故我彭城

劉君俯而妙也和鳴應北琴瑟叶韻翱翔焉得敬風之稱和柔焉  
有梁鴻之□向世餘稔而孕三男三女矣所冀偕老不幸而先馳  
螻蟻嗚呼良婦既歿弔客驟委陽臺之下但望行雲鳳樓之前□  
聽去吹是以琢石旌善寘之堦墀其詞曰  
有泚女兮作

□君子行婦道兮世餘祀曾誠夫兮斷織或訓子兮勞徒既于飛  
兮風凰何先馳兮螻蟻素車轉兮涕淚空垂丹旌飛兮哭聲不弭  
方刻石兮旌能異傳芳兮播美

右墓誌蓋題侯大人銘大人即夫人古大字夫字通用秦嶧  
山刻石御史大夫臣德琅邪臺刻石五大夫楊樛大夫竝作  
夫夫蓋古人簡質凡字點畫相近及音同者多段借用之此

用大作夫猶為竊附古誼矣又夫夫山名在風伯山之東見  
山海經續通攷引作大夫亦大字夫字古通之一證標題誌  
銘作誌詔會昌三年處士包公夫人墓誌詔曰詔字亦从言  
作詔与此誌同

史公夫人王氏墓誌蓋

石高一尺四寸五分寬一尺三寸八分右上方缺三行行三字  
字徑一寸九分篆書

史公故夫人王氏墓誌

右墓誌蓋無年號以字體定為唐刻

封府君合祔誌蓋

石高一尺九寸六分寬一尺九寸八分三行行三字字徑一寸  
八分篆兼行書

唐故北平府君合祔

右誌蓋第二行第二字塵存左偏作圭定為封字字篆體而北府合等字竝兼行書殊非濃度蓋猶有六朝餘習也

王君墓誌蓋

石高寬各二尺三寸五分四行行四字字徑二寸正書有墓格四周花紋淵五寸八分

唐故贈戶部郎中太原王君墓誌銘并序

右墓誌蓋絕精整誌石威吳侍郎大政家惜未為延津之合蓋題并序殊塵見可入金石例

胡府君墓誌蓋

石高寬各一尺六寸四分三行行三字字徑一寸七分篆書

大唐故胡府君墓誌銘

仇公墓誌蓋

石高一尺二寸七分寬一尺一寸五分二行行三字字徑二寸八分篆書

南安仇公墓誌

右墓誌蓋無時代以字體定為唐刻

鄭夫人墓誌蓋

石高寬各六寸三行行三字字徑一寸八分正書有方界

故棗陽鄭夫人墓誌銘

右墓誌蓋無時代以書體定為唐刻